



# Халқ сўзи

Ўзбекистон — келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 6 август, № 152 (6587) Шанба

Сайтимизга ўтиш учун QR-коднинг телефонингиз орқали сканер қилинг.

## ГЎЗАЛ ВА БЕТАКРОРИМСАН, МУҚАДДАС ВАТАНИМ, ЖОНИМ СЕНГА ФИДО, ЎЗБЕКИСТОНИМ!



Наманган деганда, кўз олдимизда аввало баланд Чотқол ва Қурама тоғларига тутшиб кетган ям-яшил қир-адирлар, бепоеън далалар, боғ-роғлардан иборат сўлим бир диёр намоён бўлади. Бу заминнинг ранг-баранг табиати, турли бойликлари, кўҳна тарихи ва маданияти ҳақида узоқ гапириш мумкин. Лекин Наманганни ҳақиқий Наманган қилган унинг кўпни кўрган, меҳнатқаш ва пок ниятли халқи, десак, ҳеч қандай муболага бўлмайди.

Ислом КАРИМОВ

Наманган вилояти:

## Бунёдкорлик ва ободлик қадри



Истиклол — бебаҳо неъмат. Унинг қадр-қиммати, энг аввало, кечаги ва бугунги кунимиз ҳиссида яққол намоён бўлади. Халқимиз ўтган қисқа даврда эришилган ютуқларимизни асрларга татиғулик, деб эътироф

дишнинг боиси ана шунда. “Биз ҳеч кимдан кам эмасмиз!” дея юксак марраларга интилаётган ёшларимиз қалбида эса гурур-ифтихор туйғулари лиммол-лим. “Кеча ким эдигу бугун ким бўлди?” Бу саволга ҳар бир юртдошимиз ўз ҳаётидан кўплай мисолларни жавоб сифатида келтириши мумкин. Узоқ йиллар давомида ҳукм сурган коммунистик мафкура ҳамда бир ёклама иқтисодий

сиёсат етказган жабру ситамларни наманганликлар надомат ила эсга олишади. Ўтмиш ҳикояларининг асосий қисми пахта яққақоқимлиги уқубатлари билан боғлиқ. Масалан, ўша вақтларда каттаю кичик, ҳатто ёш болали аёллар ҳам дала юмушларига мажбуран жалб этилганини, не-не азобларга муштоло қилинганини шунчаки ҳис-ҳаяжонсиз эшитиб бўлмайди. — Илгари пахта экилмаган лойсувоқ томларимизгина қолган эди, — дейди Наманган туманилик фермер Камолитдин Абдуллаев. — Ҳатто ҳовлимизга ҳам ғўза пайкаллари ора-

лаб кирардик. Ўша пайтда ўсимлик баргини тўқишда қўлланилган бутифос моддаси кўпчиликнинг саломатлигига жуда катта салбий таъсир ўтказган. Колхознинг бир бурда миннатли нониға қорин тўйғазиб бўлармиди?! Қора қозонни амаллаб қайнатиш билангина ким ҳам бахтли бўла оларди?! Эртадан кечгача боши меҳнатдан чиқмаган, моддий манфаатдорлик нималигини билмаган одам қандай қилиб эртанги кунга ишонч билан қарасин, қандай қилиб орзу-ҳавасга берилсин? Яхши яшаш, уй-жой қуриш тўғрисида-ку, гап-сўз бўлиши ҳам мум-

кин эмасди. Вилоятимиз маркази, туманларида пана-пасткам, пахса-гурваладан барпо этилган иморатлар шу қадар кўп ва тигиз эдики, ёзнинг жазирама кунларида мутлақо ҳаво айланмасди. Маданий ҳордиқ чиқариш, сайр қилиб кўнгили ёзиш учун хиёбонлар, дам олиш масканлари саноклига бўлган. Шу сабабли меҳмон келса, кўрсатадиган жой тополмай қаловланчи қолардик. Шаҳарда аҳвол шундай бўлганидан кейин қишлоқлардаги манзарани тасаввур этиб кўраверинг.

(Давоми 4-бетда).

## Самарқанд — жаҳон маданиятлари чорраҳаси

Франциянинг “GEO” илмий-оммабоп журналида “Ўзбекистон: Самарқанд — жаҳон маданиятлари чорраҳаси” сарлавҳали мақола эълон қилинди. Унда “GEO” нашриёти томонидан тайёрланган “Сайёрамизнинг энг гўзал ва муқаддас жойлари бўйлаб унутилмас саёҳат” номли китоб саҳифасидан афсонавий шаҳар — Самарқанд ҳақидаги репортаж ҳам ўрин олганлиги айтилади.

Мақолада Шарқнинг ноёб тарихий ёдгорликларга бой ганжиниси — Самарқанд 2001 йили “Маданиятлар чорраҳаси бўлган шаҳар” сифатида ЮНЕСКО Бутунжаҳон маданий мероси объектлари рўйхатига киририлган ўқувчилар эътиборига ҳавола этилади. Унда Урта аср ал-

### ЭЪТИРОФ

мақолада ҳамда мутафаккирлари томонидан айрилган машҳур таъриф ҳам қаламга олинган: “Агар Ердаги жаннатни кўрмоқчи бўлсанг, Самарқандга бор”. Журналда ушбу шаҳар тарихи ҳақида ёзилган энг Самарқанднинг ёши 2700 йилдан ошгани, у Буюк Ипак йўли чорраҳасида жойлашгани боис жадвал тараққий топиб боргани таъкидланади. “Бу йўлда қимматбаҳо тошлар, чинни буюмлар, чой, қорғоз, зирворлар ва албатта, ипак савдоси амалга оширилган”, дея ёзилади мақолада. Унда Амир Темури ҳукмронлиги даврида мазкур шаҳар гуллаб-яшнагани ҳамда у соҳибқирон асос солган қудратли салтанатнинг пойтахти бўлгани ало-

ҳида қайд этилган. “Амир Темури шаҳар қурилиши ишлариға ўша даврнинг энг моҳир меъморлари, рассому хунармандларини жалб қилди. Темурийлар бошқаруви даври том маънода олтин аср бўлдики, мазмун-моҳияти ва ташқи кўриниши билан эртанги Самарқанд ҳисобланади. Унинг маданияти ҳамда бошқа маданий ёдгорликлар бунинг ёрқин мисолидир”.

Мақолада баланд миқорли мухташам мадрасалар ўраб турган Регистон майдони “Самарқанд дурдонаси”, дея таърифланади. “Ўз нақшикорлиги ва гўзаллиги билан Регистон майдонида-гидек диққатга сазовор масканни сайёрамизда топши мумкин”, дея ёзилади “GEO” илмий-оммабоп журналида. Айтиб ўтиш жоизки, “GEO” журнали Франция ва бошқа қатор хоржий мамлакатларда кенг тарқалган илмий-оммабоп нашрлардан бири бўлиб, 500 мингдан зиёд нусхада чоп этилади.

«Жаҳон» АА. Париж

## Ўзбекистон Республикаси Олий Мажлиси Сенати Кенгашининг мажлиси тўғрисида АХБОРОТ

2016 йил 5 август куни Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Кенгаш Ўзбекистон Республикаси Олий Мажлиси Сенатининг олтинчи ялпи мажлисини жорий йилнинг 24-25 август кунлари Тошкент шаҳрида қақариш тўғрисида қарор қабул қилди. Сенаторлар Ўзбекистон Республикаси давлат мустақиллигининг 25 йиллиги арафасида ўтказилаётган Олий Мажлис Сенати ялпи мажлисининг кун тартибига Олий Мажлис Сенатининг ўтган даврдаги фаолияти яқунларига ва келгуси йилдаги устувор вазифаларга бағишлан-

ган маърузанинг киритилиши муҳим эканлигини алоҳида қайд этдилар. Сенатнинг ялпи мажлисида мамлакатимизнинг ижтимоий-сиёсий ва социал-иқтисодий ҳаётининг барча соҳасини изчил ислоҳ қилиш ҳамда эркинлаштиришга, Ўзбекистон Республикаси Президентининг Конституциямиз қабул қилинганининг 23 йиллигига бағишланган тантанали йиғилишдаги маърузасида баён этилган вазифаларни бажаришга қаратилган бир қатор қонунлар кўриб чиқилади. “Ёшларга оид давлат

сиёсати тўғрисида”ги, “Ички ишлар органлари тўғрисида”ги, “Меҳнатни муҳофаза қилиш тўғрисида”ги (янги таҳрири), “Ҳайвонот дунёсини муҳофаза қилиш ва ундан фойдаланиш тўғрисида”ги (янги таҳрири) ва бошқа қонунлар ана шулар жумласидандир. Мажлисида Олий Мажлис Сенати Кенгашининг ваколатига қирадиган бошқа масалалар ҳам кўриб чиқилди. Мухокама этилган барча масала юзасидан тегишли қарорлар қабул қилинди.

Ўзбекистон Республикаси Олий Мажлиси Сенатининг Ахборот хизмати.

(Давоми 2-бетда).

Нефть-газ саноати:

## Модернизация — юқори самарадорлик омили

Мустақил тараққийтимиз даврида нефть-газ саноати мамлакатимиз иқтисодиётининг локомотивларидан бирига айланди. Зеро, Президентимиз ташаббуси билан мазкур соҳа ривожига қаратилаётган алоҳида эътибор, яратилаётган қулай шарт-шароитлар туфайли кўплай замонавий мажмуа ва йирик корхоналар фойдаланишга топширилдики, бу табиий бойликларни ўзлаштириш, уни чуқур қайта ишлаш, маҳсулот ишлаб чиқаришни диверсификация қилиш имконини бермоқда.

### ИСЛОҲОТ

Натижада бирламчи ёқилги-энергетика ресурсларига бўлган ички эҳтиёж тўлиқ таъминланиши баробарида, хом ашё ҳамда маҳсулотлар экспорти мунтазам равишда ошириляпти. Саноат корхоналарига иннова-

цион лойиҳаларни жорий этиш, мавжуд қувватларни технологик янгилаш тадбирлари изчил олиб борилаётгани эса тармоқда иш самарадорлигини юксалтириш, тайёрланаётган маҳсулотлар рақобатдошлигини таъминлашда

муҳим аҳамият касб этаётир. Давлатимиз раҳбарининг 2015 йил 4 мартдаги 2015 — 2019 йилларда ишлаб чиқаришни таркибий ўзгартриш, модернизация ва диверсификация қилишни таъминлаш чора-тадбирлари дастурига

доир Фармони технологик янгилашлар қўламини янада кенгайтириб, сифат жиҳатидан юқори босқичга кўтарди. Ҳақиқатан ҳам, юртимизда оқилона инвестиция сиёсати юритилиб, нефть-газ саноатига жаҳон андозаларига мос, энг асосийси, энергия тежамкор ускуналар жорий қилинмоқда. Бунга тизимдаги йирик ишлаб чиқариш субъектларидан ҳисобланган Шўртан газ-кимё мажмуаси ҳамда Муборак газни қайта ишлаш заводидида амалга оширилаётган истиқболли лойиҳалар яққол мисолдир.

(Давоми 2-бетда).

Сунь Лицзе:

## «Мустақиллик — Ўзбекистоннинг кўп асрлик тарихида катта аҳамиятга эга воқеадир»

Ўзбек халқининг улуг байрами — мамлакатимиз давлат мустақиллигининг 25 йиллиги байрами тобора яқинлашмоқда. Ушбу қутлуг юбилей санаси муносабати билан хоржий давлатларнинг Тошкентда аккредитациядан ўтган дипломатия миссияси раҳбарлари “Жаҳон” ахборот агентлиги саволларига бажонидил жавоб қайтармоқдалар.

Бу сафар Хитой Халқ Республикасининг мамлакатимиздаги Фавкулда ва мухтор элчиси Сунь Лицзе суверен ривожланиш йиллари давомида Ўзбекистон эришган муваффақиятлар тўғрисидаги фикр-мулоҳазаларини баён этди.

— Шу кунларда ўзбек халқи мустақил ҳаётининг 25 йиллик юбилейини тантанали нишонлашга фаол ҳозирлик кўрмоқда. Мустақилликнинг қўлга киритилиши Ўзбекистоннинг кўп асрлик шонли тарихида жуда катта аҳамиятга эга бўлган воқеа ҳисобланади. У янги демократик давлат ва жамият барпо этишнинг ибтидоси бўлди.

Тарихан қисқа даврда республика барча жаҳда, жумладан, давлат суверенитетини янада мустақамлаш, хавфсизлик ҳамда барқарорлиқни таъминлаш, режали бошқарувдан бозор иқтисодиётига изчил ўтиш, аҳолининг ҳаёт даражаси ва сифатини ошириш борасида улкан муваффақиятларни қўлга киритди.

Мен бундай барқарор тараққийга гувоҳ бўлаётганимдан жуда мамнунман. Республиканинг халқаро майдондаги обрў-эътибори муҳим кафолати ҳисобланади. Ўзбекистон минтақа хавфсизлигининг муҳим кафолати ҳисобланади халқаро даражада умумэтирофини топган.

Ўзбекистоннинг қудрати ҳамда иқтисодий салоҳияти тобора оқибатда бораётгани истиклол йилларида эришилган муваффақиятларнинг яққол тасдиғи ҳисобланади. Кейинги 11 йил мобайнида ялпи ички маҳсулот ўсишининг сурьатлари 8 фоиздан кам бўлмаган даражада сақланиб қолмоқда. Ўйлайманки, бу кўрсаткичлар ривожланишнинг “Ўзбек модели” нақадар тўғри ва чуқур ўйланганининг яққол тасдиғи ҳисобланадики, у мамлакатнинг ҳар бир аҳоли-

сига ўз Ватани билан ҳақли равишда фахрланиш имконини берди.

Мустақилликнинг илк кунларидан эътиборан Ўзбекистонда оналик ҳамда болалик муҳофазаси ижтимоий сиёсатнинг стратегик йўналишларидан бири сифатида белгиланди. 1994 йили давлат раҳбари мустақил Ўзбекистоннинг биринчи давлат муқофоти — “Соғлом авлод учун” орденини топириш маросимида соғлом авлодни тарбиялаш — буюк давлат пойдеворини, фаровон ҳаёт асосини қуриш эканлигини қайд этган эди. Бу фикрдаги чуқур маъно оналар ва болалар саломатлигини мустақамлаш, ёшларни маънан ҳамда жисмонан барқамол этиб тарбиялаш, уларда ватанпарварлик ва Ватанга муҳаббат туйғуларини шакллантиришга қаратилган ишларнинг асосий йўналишларини белгилаб берди.

Ўйлайманки, 2016 йил республикада “Соғлом она ва бола йили” деб эълон қилинган халқингизнинг ижтимоий-ахлоқий ҳамда инновацион қадриятларида ўз аксини топтоқда. Шуниси қувонарлики, қабул қилинган Давлат дастури доирасида “Она ва бола соғлом бўлса, оила бахтли, оила бахтли бўлса, жамият мустақам бўлади” деган ҳаётбахш қадрият ҳамда олижаноб гоа жамиятда чуқурроқ англаб етилишига ва қарор топишига йўналтирилган кенг чора-тадбирлар комплекси амалиётга таъбиқ этилаётди.

Бундан ташқари, оила институти муҳофазасини тақомиллаштириш, давлат ҳокимияти органларининг жамоат ташкилотлари билан ижтимоий шериклигини мустақамлаш бўйича кенг қамровли ишлар олиб бориляпти.

(Давоми 2-бетда).

## ПАРЛАМЕНТДАГИ МУХБИРИМИЗ ХАБАР ҚИЛАДИ

Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Депутатлар жамият ҳаётининг турли соҳаларида амалга оширилаётган ишлотларни янада чуқурлаштириш, фуқароларнинг ҳуқуқ ҳамда эркинликлари ва қонуний манфаатларини ҳимоя қилишга қаратилган бир қатор қонун лойиҳаларини кўриб чиқди.

# Депутатлар ҳуқуқий базани янада такомиллаштиришга қаратилган қонун лойиҳаларини кўриб чиқди

Депутатлар ўз ишларини “Ёшларга оид давлат сиёсати тўғрисида”ги қонун лойиҳасини муҳокама қилишдан бошладилар.

Мажлисида таъкидланганидек, истиқлолнинг дастлабки йилларидан бошлаб мамлакатимизда соғлом ҳамда баркамол авлодни тарбиялаш, ёшларни ҳар томонлама қўллаб-қувватлашга устувор вазифалардан бири сифатида эътибор қаратиб келинмоқда.

Соғлом она ва бола йили муносабати билан қабул қилинган Давлат дастурида ҳам ёшларга оид давлат сиёсатининг ҳуқуқий асосларини мустаҳкамлашга қаратилган қонун лойиҳасини ишлаб чиқиш кўзда тутилган.

Мажлисида депутатлар қонун лойиҳасининг қабул қилиниши эртаимиз эгаларининг ҳуқуқ ҳамда қонуний манфаатларини мустаҳкамлаш, ёшларга оид давлат сиёсатини амалга оширишда давлат органлари ва бошқа ташкилотларнинг масъулиятини қўлайтириш, ушбу соҳада қўрилаётган чора-тадбирлар самарадорлигини юксалтириш имконини беришини қайд этдилар.

Шундан кейин депутатлар эътиборига “Ички ишлар органлари тўғрисида”ги қонун лойиҳаси тақдим қилинди.

Президентимиз Ислам Каримов Ўзбекистон Республикаси Конституцияси қабул қилинганнинг 23 йиллигига бағишланган тантанали маросимдаги маърузасида ички ишлар органларининг, биринчи навбатда, қонун устуворлигини таъминлаш, фуқароларнинг ҳуқуқ ҳамда эркинликларини ишончли муҳофаза этиш борасидаги мақоми, фаолият шакли ва усулларини аниқлаштириш, шу мақсадда алоҳида қонун қабул қилиш зарурлигини таъкидлаб ўтган эди.

Шундан келиб чиқиб, мутасадди идоралар томонидан экспертлар ҳамда кенг жамоатчилик вакиллари шалб этган ҳолда, мазкур қонун лойиҳаси ишлаб чиқилиб, Олий Мажлис Қонунчилик палатасида

давлат ва жамиятдаги ўрни ҳамда роли аниқ белгилаб берилмоқда.

**Ўзбекистон “Миллий тиклашни” демократик партияси фракцияси аъзолари** томонидан “Ёшларга оид давлат сиёсати тўғрисида”ги қонун лойиҳасида ёшларга оид давлат сиёсатини амалга оширишда иштирок этувчи давлат органлари алоҳида белгилаб, уларнинг ваколатлари мустаҳкамлаб қўйилганлиги, шунингдек, ёшлар нодавлат

кириб келаётган ёшларга уларнинг ижтимоий келиб чиқишидан катти назар, қасб танлаш, таълим олиш ҳамда битирувчиларнинг муносиб иш ўринларига эга бўлишлари учун адолатли, тенг ва ижтимоий жиҳатдан мақбул шарт-шароитларни яратишга қаратилган механизмларни тўла-тўқис қўллаб-қувватлади.

Фракция вакиллари “Ички ишлар органлари тўғрисида”ги қонун лойиҳасида ички ишлар органлари

сингдиришда катта ўрин тутди.

Шунингдек, қонун лойиҳасида айнан ҳуқуқий тартибга солишнинг хорижий ва миллий тажрибаси илоҳбатга олинганлиги алоҳида эътироф этилди.

Парламент куйи палатаси депутатлари янги тахрирдаги “Ўсимлик дунёсини муҳофаза қилиш ва ундан фойдаланиш тўғрисида”ги қонун лойиҳасини муҳокама қилиш билан ўз ишларини давом эттирдилар.

Қонун лойиҳаси муҳокамаси жараёнида депутатлар мазкур лойиҳа ҳуқуқни қўллаш амалиётининг таъсирчанлигини ошириш ҳамда қонун ҳужжатларида мавжуд бўлган камчиликларни бартараф қилиш нуктаи назаридан янги тахрирда ишлаб чиқилганлигини алоҳида қайд этишди.

Қонун лойиҳаси биологик хилма-хилликнинг ажралмас қисми сифатида ёввойи ҳолда ўсувчи ўсимликлар генофонди комплекс равишда муҳофаза этилишини таъминлашни назарда тутди. Унда давлат органларининг ваколатлари аниқ кўрсатилиб, ушбу соҳадаги муносабатларни тартибга солиш юзасидан уларнинг вазифалари белгилаб берилмоқда. Шунингдек, ўсимлик дунёсини муҳофаза қилиш ва ундан оқилона фойдаланишга қаратилган таъсирчан чора-тадбирларни амалга оширишда фуқароларнинг ўзини ўзи бошқариш органлари, нодавлат нотижорат ташкилотлари ҳамда фуқароларнинг иштирокига оид нормаларни мустаҳкамлаб қўйишга алоҳида эътибор қаратилган.

Қонун лойиҳасини маромига етказиш жараёнида лойиҳа парламент куйи палатасидаги Демократик кучлар блоки ва муҳолиф фракцияларнинг мажлисларида кенг муҳокама-лардан ўтди. Ҳар бир партия фракцияси ўз электорати манфаатларини давлелб чиққан ҳолда, мазкур норматив-ҳуқуқий ҳужжат юзасидан ўзларининг нуктаи назарларини шакллантиришди. Депутатларнинг тақлифлари асосида қонун лойиҳасини “Ўсимлик дунёсини муҳофаза қилиш ва ундан фойдаланишга оид талаблар” деб номланган янги боб ҳамда ўсимлик дунёсини муҳофаза этиш, ундан оқилона фойдаланиш бўйича ботионик тадбирларни келишиб олишга, ўсимлик дунёсининг ҳолатига таъсир кўрсатидаган фаолиятга доир талабларга, ўсимлик дунёсини муҳофаза қилиш ва ундан фойдаланиш соҳасида давлат экологик экспертизасини ўтказишга доир моддалар билан тўлдирилди.

Депутатлар кўриб чиқилаётган қонун лойиҳаси ўсимлик дунёсини муҳофаза этиш ҳамда ундан оқилона фойдаланиш борасида мустаҳкам ҳуқуқий асосга айланишини таъкид-ладилар.

Муҳокамалар яқунларига кўра, тегишли қарорлар қабул қилинди. Депутатлар мажлисида кун тартибидаги бошқа масалаларни ҳам кўриб чиқдилар.

**Зиёда АШУРОВА.**

## Қисқа

### сатрларда

- Ўзбекистон Республикаси Куролли Кучлари Академиясида тингловчиларнинг навбатдаги битирувиги бағишланган тантанали тадбир бўлиб ўтди.

- Жиззахда “Давлат ҳокимияти ва бошқаруви органлари фаолиятининг очиқлигини таъминлаш ҳамда қабул қилинаётган қарорлар учун масъулиятни оширишнинг долзарб масалалари” мавзусида давра суҳбати ўтказилди.

- Миллий матбуот марказида Ўзбекистон Матбуот ва ахборот агентлиги томонидан мамлакатимиз истеъмол бозорини мактаб анжомлари билан тўлдириш бўйича олиб борилаётган ишларга бағишланган анжуман ташкил этилди.

- Пойтахтимизда салбий экологик оқибатларнинг олдини олиш мақсадида давлат экологик экспертизасидан ўтказиш мавзусига бағишланган давра суҳбати уюштирилди.

- Ўзбекистон Республикаси Маданият ва спорт ишлари вазирлигининг 2016 йил биринчи ярим йиллик фаолиятига бағишланган ҳайъат мажлиси бўлиб ўтди.

- Наманганда касб-хунар коллежларини битирувчи қизлар бандлигини таъминлаш масаласига бағишланган тадбир ўтказилди.

- “Камолот” ёшлар ижтимоий ҳаракати Тошкент вилояти кенгашининг конференцияси бўлди.

«Халқ сўзи» мухбирлари хабарлари асосида тайёрланди.

## Тинчлик ва осойишталик — улугъ неъмат

Айни кунларда мамлакатимизнинг барча ҳудудида мустақил-лигимизнинг 25 йиллиги олдидан турли анжуманлар, учрашув ва давра суҳбатлари ташкил этилмоқда.

### ТАДБИР

Шундай тадбирлардан бири Ўзбекистон Республикаси Ички ишлар вазирлиги Академиясида бўлиб ўтди. Мазкур таълим муассасаси томонидан ҳамкор ташкилотлар билан биргаликда уюштирилган учрашув тинчлик ва осойишталик ҳамда уни мустаҳкамлаш масъулияти мавзусига бағишланди. Таъкидланганидек, истиқлол йил-

ларида юртимизда тараққиётнинг “Ўзбек модели” асосида кенг қўламдаги ишлотлар амалга ошириб келинмоқда. Ана шу савий-ҳаракатлар самараси ўлароқ, барча баҳхда асрларга татиғулик ютүк ва натижалар қўлга киритилаёттир. Шубҳасиз, буларнинг туб замирида она-Ватанимиз тинчлиги ҳамда осойишталиги муҳасамдир. Бу улугъ неъматни

асраб-авайлаш, уни янада мустаҳкамлаш эса ҳар бир фуқародан, жумладан, ички ишлар идоралари ходимларидан катта масъулият талаб этади.

Тадбирда ички ишлар тизимидаги изчил янгиланишлар ҳақида ҳам сўз юритилди. Хусусан, Академияда Сержантлар таркибининг тайёрлаш бўйича олий курслар ташкил қилиниши малакали ҳамда юқори салоҳиятли ўрта бўғин кадрларни тайёрлаш борасида янги босқични бошлаб берди. Ўтган даврда бу курсларни тамомлаган юқори тайёргарликка эга

сержантлар бугунги кунда мамлакатимиз равнақига муносиб ҳисса қўшмоқда.

— Бу ерда мутахассислик сирларини пухта ўрганишимиз учун барча шарт-шароит мавжуд, — дейди тингловчи Шерали Мусаев. — Айнққса, мультимедиа ва замонавий ахборот технологиялари асосида тахсил берилаётгани эътиборлидир. Албатта, таълим муассасасида олган билимимиз юрт тинчлиги ҳамда халқимиз осойишталигини сақлаш ва хизмат вазифаларимизни астойдил бажаришимизда кўл келади.

**Зокир ХУДОЙШУКУРОВ,**  
**«Халқ сўзи» мухбири.**

## Нефть-газ саноати:

# Модернизация — юқори самарадорлик омилли

◀ (Давоми. Бошланғиш 1-бетда).

Бу “Анджон полиэтилен”, “Жиззах ЛРС пласт” қўшма корхоналари, “Жиззах пластмасса” акциядорлик жамияти каби корхоналарни ўзимизда тайёрланган муҳим саноат хом ашёси билан таъминлаш баробарида, “Қаршитермопласт” заводи ҳаётида янги даврни бошлаб берди, десак, муболага бўлмайди. Чунки бу ерда маҳаллий хом ашёдан импорт ўрнини босувчи газ ҳамда сув қувурларини ишлаб чиқариш йўлга қўйилдики, хозирги кунда улардан қишлоқ ҳўжалиги, коммунал ва маънавий соҳаларда кенг фойдаланилаёттир.

Умуман олганда, Шўртан газ-кимё мажмуиси полиэтиленга бўлган ички эҳтиёжни таъминлаш билан бирга, маҳсулотларини Европа ҳамда МДХ мамлакатлари, Хитой, Эрон ва бошқа хорижий давлатларга экспорт қиладиган йирик субъект сифатида ном қозонди. Мамлакатимизда нефть-газ саноатини модернизациялаш ишлари йил сайин кенгайтирилаётгани беҳиз эмас, албатта. Чунки технологик янгиланишлар жаҳон тенденцияси билан ҳам чамбарчас боғлиқдир. Яъни дунё энергетика ҳамжамиятининг ҳулосасига кўра, хозирги пайтда энергия ресурслари орасида табиий газ истеъмоли етакчи ўринга чиқиб олди. 1991 йилдан 2001 йилгача бўлган даврда табиий газ истеъмоли 400 миллиард куб метр ортиб,



йилига ўртача 2,4 триллион куб метрни ташкил этгани, 2030 йилга бориб, газнинг дунё энергетикасидаги улуши яна икки баробар ошиши кутилаётгани бунинг яққол далилидир. Шу маънода, Шўртан газ-кимё мажмуиси ҳамда Муборак газни қайта ишлаш заводи босқич-ма-босқич модернизация қилиниши Ўзбекистонимизнинг дунё бозоридagi маквенени янада мустаҳкамлайди.

Бугунги кунда соҳада диверсификациялаш эвазига хавфсиз, экологик тоза этилаётган — суолтирилган газ ишлаб чиқаришга устувор аҳамият берилмоқда. Бундай маҳсулот тайёрлашининг асосий технологияси жараёнлардан бири, бу — табиий газни олтингургурт ва унинг бирикмаларидан тозалашдир. Олтингургуртдан эса, ўз навбатида, турли саноат ҳамда қишлоқ ҳўжалигида қўлланиладиган кимёвий маҳсулотлар тайёрланади.

— Ўзбекистон табиий газ казиб олиш ҳамда қайта ишлаш борасида улкан салоҳиятга эга. Республикада ушбу соҳага ихтисослаштирилган йирик ишлаб чиқариш мажмуалари барпо этилаётгани, мавжудлари эса замон талаблари даражасида қайта жиҳозланаётгани нефть-газ саноатини янада ривожлантиришга, фойдали бизнес алоқаларини ўрнаттишга, соҳада халқаро ҳамкорлигини янада мустаҳкамлашга хизмат қилади.

## ЭЪТИРОФ

**Пол РАСМУССЕН,**  
**Халқаро газ иттифоки бosh котиби:**

— Ўзбекистон табиий газ казиб олиш ҳамда қайта ишлаш борасида улкан салоҳиятга эга. Республикада ушбу соҳага ихтисослаштирилган йирик ишлаб чиқариш мажмуалари барпо этилаётгани, мавжудлари эса замон талаблари даражасида қайта жиҳозланаётгани нефть-газ саноатини янада ривожлантиришга, фойдали бизнес алоқаларини ўрнаттишга, соҳада халқаро ҳамкорлигини янада мустаҳкамлашга хизмат қилади.

Ўтган асрнинг 70-йилларида Муборак газни қайта ишлаш заводи нефть ва газ саноатида олтингургуртдан тозалаш қурilmалари билан жиҳозланган ягона корхона эди. Бироқ ишлаб чиқариш қуввати жузда паст, атиги 5 миллиард куб метрни ташкил қилган. Дунё ёқилғи-энергетика соҳаси экологик тоза маҳсулотларни тайёрлашга йўналтирилганлигига қарамадан, 20 йил давомида заводнинг қуввати ўзгармасдан қолганини қандай изохлаш мумкин?!

Истиқлол эпкинни мазкур завод ҳаётига ҳам янги руҳ олиб келди. Хорижий инвестициялар ҳамда “Ўзбекнефтгаз” Миллий холдинг компанияси маблағлари жалб этилиб, 19 та олтингургурт бирикмаларидан тозалаш қурilmаси, бешта олтингургурт ишлаб чиқариш, учта газ конденсатини барқарорлашти-

Сунъ Лице:

## «Мустақиллик — Ўзбекистоннинг кўп асрлик тарихида катта аҳамиятга эга воқеадир»

◀ (Давоми. Бошланғиш 1-бетда).

Ҳар бир халқнинг ўз тарихи, маданияти ва урф-одатлари бор. Мамлакатда миллатларо ҳамжихатлик ҳўкм суришининг қалити одамларнинг ўзаро тинч-тотув яшashi, бир-бирини тўғри тушуниши, жамиятда барчанing бирдамлиги ҳамда ўзаро мулоқотнинг мавжудлигидадир.

Ўзбекистонда миллатларо дўстона муносабатлар ва толерантликни қўллаб-қувватлаш давлат сиёсатининг устуворликларидан бири ҳисобланади. Республиканинг барча фуқароси миллий мансублигидан қатъи назар, тенг ҳуқуққа эга эканлиги мамлакат Конституциясида қафолатлангани юксак баҳога лойик.

Президент Ислам Каримов ташаббуси билан 1992 йили Республика байналмилал маданият маркази ташкил этилди. Миллатларо муносабатларни мустаҳкамлаш, мамлакат ҳудудида истиқомат қиладиган турли миллат ҳамда элатлар вакилларининг маънавий эҳтиёжларини қондириш унинг асосий вазифасига киради. Мазкур ташкилотда ишлар яъши йўлга қўйилгани туфайли миллий маданий марказлар фаол ривожланмоқда. Ўзбекистондаги миллий маданий марказларнинг сони қарийб 140 тани ташкил қиладди, уларнинг 14 таси республика аҳамиятидаги марказ мақомига эга.

Зарур шартлар яратилгани боис турли миллат ва элатларнинг таникли намояндалари мамлакатнинг иқтисодий, илмий-техникавий ҳамда бошқа соҳалари тараққиётига муҳим ҳисса қўшдилар. Шуни ишонч билан айтишим мумкинки, республиканинг барча фуқароси бундан кейин ҳам ўзаро ҳамжихатликка яшab, кўп миллатли ягона давлатининг гуллаб-яшнаши йўлида елкама-елка меҳнат қилишди.

Мустақиллик йилларида Ўзбекистон халқаро ишларда фаол иштирок этгани ҳолда, дунёдаги жараёнларга мослашувини мақбул йўлни танлади. Жумладан, республика Шанхай ҳамкорлик ташкилотининг тенг ҳуқуқли аъзосидир. Ўзбекистон бошқа мамлакатлар билан самарали ва ўзаро манфаатли алоқаларни ривожлантириб, минтақа барқарорлик сақлинишга муҳим ҳисса қўшаёттир.

Ўзбекистон олиб бораётган ташки сибасат ўзининг ҳаётий ҳамда истиқболли эканлигини тасдиқлади. Эришилган муваффақиятларнинг халқаро ҳамжамият томонидан эътироф этилгани мамлакат халқаро майдонда муносиб ўрнини эгаллашдан далолат беради.

1992 йили дипломатия муносабатлари ўрнатилганидан сўнг Ўзбекистон ва Хитой ўртасидаги икки томонлама ҳамкорлик даражаси турли соҳаларда изчил оқсалиб бордики, бу халқларимиз ўртасидаги аънавий дўстликни янгича мазмун билан бойитди.

1996 йилнинг июль ойида ҳар икки давлат тенглик ҳамда ўзаро манфаатдорлик асосида дўстона ҳамкорликни мустаҳкамлашга қарор қилди. 2005 йил май ойида Пекин ва Тошкент ҳар томонлама, шунингдек, узоқ муддатли ҳамкорлик ҳамда шерикликни ривожлантиришга аҳдлашди. 2012 йилнинг июнь ойида Ўзбекистон — Хитой муносабатлари стратегик шериклик даражасига кўтарилди.

Кейинги йилларда мунтазам равишдаги олий ва юқори даражадаги таширф алмушавури йўлга қўйилди. Жорий йилнинг июнида Тошкентда икки томонлама алоқалар ривожланишидаги янги босқич ўз тасдиқини топди. ХХР Раиси Си Цзиньпиннинг Ўзбекистонга давлат таширфи чоғида икки давлат раҳбарлари мамлакатларимиз ўртасидаги муносабатларни ҳар томонлама стратегик шериклик даражасига кўтаришга қарор қилдилар. Бу қарор турли соҳаларда ўзаро ҳамкорликни ривожлантириш учун янги имкониятлар эшигини очди. Ҳар икки томон янада равнақ топиш ҳамда мамлакатларимиз ва халқларимиз фаровонлиги йўлидаги келишувларни амалга ошириш учун биргаликдаги савий-ҳаракатларни ҳаётга татбиқ этишга тайёрдир.

Фурсатдан фойдаланиб, ўзбекистонликларни тобора яқинлашиб келаётган Мустақиллик куни билан чин дилимдан табриклашга ижозат бергайсиз. Давлатчиликни мустаҳкамлашда, барқарор тараққиёт, яъни гуллаб-яшнаш ва фаровонлик таъминланишида янада катта муваффақиятлар тилайман!

**«Жаҳон» АА.**

ларга барқарор етказиб бериш, пировадида иқтисодиётимизнинг рақобатдошлигини таъминлашга ҳизмат қиладди. Шу билан бирга, янги лойиҳа “Ҳазак-Шоди” ҳамда бошқа қонлардан етказиб бериладиган, таркибида олтингургурт бирикмалари юқори бўлган табиий газни қайта ишлаш ҳажмини кескин оширишда кўл келади.

Келгусида заводда кўплаб лойиҳалар ҳаётга татбиқ этилиши кўзда тутилган. 2017 йилда қурилиши кутилаётган газдан олтингургурт ишлаб чиқариш қурилмаси шулар сирасига киради. Унинг ёрдамида соати-га 57 минг куб метр газ, йилига 280 минг тонна олтингургурт тайёрланади.

Хулоса ўрнида айтганда, Ўзбекистон мустақиллик йилларида нефть-газ саноатини модернизация қилиш бўйича бой тажриба тўплади. Бу эса хорижий компанияларда катта қизиқиш уйғотиб, соҳага инвестициялар киритиш, ҳамкорликда йирик лойиҳаларни амалга оширишга катта туртки бўляпти. Натияжада жаҳон нефть-газ жабҳасида юз бераётган мураккаб вазиятга қарамадан, юртимиз углеводородлар бозорида эгаллаб турган маквенени тобора мустаҳкамлаб, экспорт ҳажмини йил сайин кўпайтириб бормоқда.

**Хусниддин ТўРАЕВ,**  
**«Нефтгазисел» масъулияти чекланган жамияти директори ўринбосари.**

АВГУСТ — ҲОСИЛГА ҲОСИЛ ҚЎШИШ ЗАРБДОР ОЙИ

Даладагиси эмас, хирмондагиси ҳисоб



Пахтачиликда август ойининг ўрни беқиёс бўлиб, ушбу даврда бажариладиган юмушлар ҳосилга ҳосил қўйишнинг муҳим омилли ҳисобланади.

қаратаётгани учун мўл ҳосил тўпланмоқда. Бу йилги мавсумда мутахассислар тавсиялари, қолаверса, кўп йиллик тажрибага суяниб иш юритаётганимиз ўз самарасини бераёпти.

вация қилинса, экин "шарбат" усулида суғорилса, мавжуд гўза гули 20 — 25 кунда бўлиқ кўсакка айланади.

"шарбат" оқишиаяпти. Суғоришнинг ушбу усули, аввало, сувнинг буғлиниб, йўқотилишининг олдини олади.


Механизатор Жўра Турсоатов эса суғорилган экин майдонларини пешма-пеш культивация қилмоқда.

Рағбат ва эътибор

Тадбиркорлик фаолиятимизни бошлаганимизда беш киши иш билан таъминланган бўлса, ҳозирги кунда корхонамизда меҳнат қилаётганлар сони қарийб 30 нафарга етди.

ДИЛ СЎЗИ

Ишлаб чиқариш ҳажми ҳам йилдан-йилга ўсиб бормоқда. Айтилик, 2009 йилда 16 миллион сўмликдан зиёд маҳсулот етказиб бериб, 400 минг сўмга яқин фойда кўрган эдик.



хусусий тадбиркорликни ишончли ҳимоя қилишни таъминлаш, уларни жадал ривожлантириш йўлидаги тўсиқларни бартараф этиш чора-тадбирлари тўғрисида "ги Фармони биз, тадбиркорларга кўрсатилган гамҳўрликнинг яна бир амалий тасдиғи бўлди.

Ҳосон ПАЙДЮЕВ олган сурат.

Муратбек ТАНИРБЕРГЕНОВ, «Muratbek mebel» масъулоти чекланган жамияти раҳбари.

«AUTO GARANT BUSINESS» МЧЖ

бошланғич баҳоси босқичма-босқич охири тартибида ўтказиладиган оқич аукцион савдоларига таклиф этади.

2016 йил 22 август куни соат 11.00 да бўлиб ўтадиган аукцион савдосига Охангарон тумани СИБ томонидан хатланган, Охангарон тумани «Охангаронрахмонтранссервис» МЧЖ майдончасида сақланаётган куйидаги автотранспорт воситалари тақдоран кўйилмоқда:

«AUTO MEGA TRADE» МЧЖ

бошланғич баҳоси босқичма-босқич охири тартибида ўтказиладиган оқич аукцион савдоларига таклиф этади.

Аукцион савдосига куйидаги автотранспорт воситалари кўйилмоқда: Тошкент шаҳар Яшнобод тумани СИБ томонидан 2015 йил 20 августдаги 1-189/15-сонли ижро варақасига асосан хатланган, «Auto plaza servis» МЧЖ жарима майдончасида сақланаётган, 2007 йилда ишлаб чиқарилган, техник носоз, давлат рақами 01 О 060 ВА бўлган, «Nissan Tiida» русумли.

«КО'СНМАС MULK SAVDO XIZMATI» МЧЖ

Сирдарё вилояти филиали

бошланғич баҳоси босқичма-босқич охири тартибида ўтказиладиган оқич аукцион савдосига таклиф этади. Аукцион савдосига Гулистон шаҳар СИБ томонидан Сирдарё вилояти хўжалик судининг 2015 йил 12 октябрдаги 12-1505/0360-сонли ва 2015 йил 23 октябрдаги 12-1501/11014-сонли ижро варақасига асосан хатланган, «2535-сонли автохамланма» МЧЖга тегишли, Мирзабод тумани, Пиллакор кўрғони, Тошкент кўчаси, 12-уйда жойлашган куйидаги кўчмас мулклар бошланғич баҳоси арзонлаштирилган ҳолда тақдоран кўйилмоқда:

«REALTOR GARANT BUSINESS» МЧЖ

бошланғич баҳоси босқичма-босқич охири тартибида ўтказиладиган оқич аукцион савдосига таклиф этади.

2016 йил 25 август куни соат 11.00 да бўлиб ўтадиган аукцион савдосига Чиноз тумани СИБ томонидан ЖИБ Тошкент вилояти Оққўрғон тумани судининг 2015 йил 6 апрелдаги 1-16-сонли ижро варақасига асосан хатланган, Тошкент вилояти, Чиноз шаҳри, 1-микрорайон, Ёшлик кўчаси, рақамсиз уй худудидаги 459,70 кв. м. ер майдонида жойлашган, 005-литердаги бостирма (автомобилларни ювиш шохобчаси) ва 001, 002, 003-литерлардаги нотураб тоифадаги автомобиллар ювиш шохобчаси тақдоран кўйилмоқда.

ЖАҲОН 24 СОАТ ИЧИДА. Жаҳон самолётсозлиги индустрияси етакчиларидан саналган «Boeing» корпорацияси даромади шу йил биринчи ярмида ўтган йилнинг мазкур давридагига нисбатан 60 фоиз тушиб кетди.

Акциялар қиймати тушиб кетди



Яъни у тахмин қилинганидан анча кам — 1,11 миллиард АҚШ доллари фойда кўрди. Бунга қимматли қозғоғларидан келадиган даромади 56 фоиз пасайиб кетгани асосий сабаб бўлди.

«Тилсиз ёв» чекинмаяпти

Бир неча ҳафта олдин АҚШнинг Калифорния штатида бошланган ўрмон ёнғинлари ҳанузгача бартараф этилгани йўқ. Натижада кундан-кунга унинг талафот кўлами ортиб бораёпти.



«Евроңьюс» телеканали хабарига кўра, айни пайтгача «тилсиз» ёв минглаб гектар майдон, ўнлаб тураржой биноларига зарар етказган. Оловни бартараф қилишга 700 нафардан ортиқ ўт ўчирувчи жалб этилган.

Лекин худудда эсаётган шамол уларнинг ишига халал бераёпти.

Паст кўрсаткич тахмин қилинмоқда

«Toyota Motor Corporation» компанияси (Япония) жорий молиявий йил бўйича прогнозларини пасайтирди.



АҚШ доллари)ни ташкил этади. Бу аввалги йилдагига нисбатан 44 фоиз кам.

Компания мутасаддилари бундай ҳолатнинг вужудга келишини АҚШ бозорларида уларнинг маҳсулотларига бўлган талаб пасайгани билан изоҳлашди.

Ижтимоий тармоқнинг улкан муваффақияти

Дунёга машҳур «Facebook» ижтимоий тармоғи жорий йил иккинчи чорадаги ўтган йилнинг шу давридагига нисбатан 59 фоиз кўп, яъни 6,43 миллиард АҚШ доллари миқдорида даромад кўрди.

«The Wall Street Journal» нашри хабарига кўра, мазкур даврда компаниянинг бир дона акцияси қиймати 82 центни ташкил этади. Бу кўрсаткичга эришишда рекламалардан тушган фойда муҳим омил бўлди.

Хориж матбуоти хабарлари асосида тайёрланди.

11.00 да Гулистон шаҳри, «Бизнес маркази» биноси мажлислар залида бўлиб ўтади. Аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охириги мuddати — 2016 йил 19 август куни соат 18.00.

Манзил: Гулистон шаҳри, Ўзбекистон шохқўчаси, 3-уй, 3-қават, 58-хона. Тел.: (0-367) 226-38-91. www.1kms.uz

Хизматлар лицензияланган.

Манзил: Тошкент шаҳри, Миробод тумани, Бухоро кўчаси, 10-уй. Телефон: (0-371) 233-09-38. Ички телефони: 258. Хизматлар лицензияланган.

(Давоми. Бошланғи 1-бетда).

— Бундан ўн беш йилча муқаддам отамдан қолган иморатни янгилашга тўғри келди, — дея суҳбатга қўшилиди Наманган шахрилик Латифжон ота Аҳмаджонов. — Унинг томи бузилаётганда, шифт тоқисидан тугунча чиқди. Очиб қарасак, тўқиш охирига етказилмаган бир ўрам атлас. Хўнармандлар яхши билишади, ҳеч бир ижодкор бошлаган ишини ярим қолдирмайди. Демак, бунга жиддий сабаб бўлган. Мулоҳаза қилиб қўрдик. Отам газламани тўқибганда, таъқибга учраб, юмушини яқунлай олмаган. Лекин аждодларидан мерос ноёб санъат бир кун келиб, албатта, эгасини топишига умид билдириб, уни ёмон кўзлардан асраган ҳамда кишибилмас жойга яширган. Шуқрки, ундай кунлар ортада қолди. Истиқлол биз, хўнармандларга эмин-эркин фаолият юриши, навқирон авлодга бу касб сир-асрорларини ўргатиш имконини берди. Ҳатто, миллий матоларимиз эндиликда жаҳонда энг нуфузли кўргазмаларда намойиш қилинапти. Машҳур дизайнерлар улар асосида янги коллекцияларини тақдим этмоқда. Булар ҳам юртимиз номини халқаро миқёсда алуғлашга хизмат қилаётди.

Айни пайтда биргина шахримизнинг ўзида 400 га яқин ҳамкасбимиз атлас, адрас тўқиш билан машғул. Кейинги йилларда мазкур нодир газламанинг янги нусхаларини яратишга эришдик. Шу боис мустақилликдан айланай, деймиз. Эртанги эгаларига “Астойдил ўқиб-ўрганиб, Ватанимизга муносиб фарзанд бўлинглар”, дея ўқитамиз.

Чиндан ҳам, халқнинг ташаббускорлиги, ижодий интилишлари чегаралаб қўйилган замон машмашалари одамларни роса толиқтирган эди. Айниқса, хусусий мулк, тадбиркорлик деса, ўша давр раҳбарларининг лабига учук тошари. Мана, қўлидан келган юмуш билан шуғулланиб, оиласи, жамият тараққиёти учун наф келтирса бўлар экан-ку! Бу айни чоғда иқтисодиётда халқ қилувчи кучга айланган кичик бизнес ва хусусий тадбиркорлик ривожига яққол тасдиғини топмоқда.

— Ёшлигим собиқ тузум даврида кечган, — дейди Тўрақўрғон туманидаги “Дилрабо СДА” кўп тармоқли ишлаб чиқариш фирмаси раҳбари Маъсуда Содикова. — Тўшкун кайфият ҳукмрон, ташаббус кўрсатсанг, танбех эшитсанг, қисқаси, мураккаб бир замон эди. Мустақиллик тўғриси қадимизни ростлади. Мулкдор бўлдик. Ўйлаб қўйган режаларимиз рўёбига йўл очилди. Шундай кенг имкониятдан фойдаланиб, фабрика ташкил этганимиз. Юздан ортиқ турда трикотаж маҳсулотлари чиқараямиз. Унга нафақат ички, балки ташқи бозорда ҳам талаб юқори.

Истиқлолга эндигина эришган пайтларимизда бизни кўролмаганлар “Ўзбекистон ниманинг ҳисобига ривожланади? Қандай

қилиб ўзини ўнглайди? На бир тузукроқ корхонаси бор, на бир мутақассиси”, дея муносабат билдиришган. Ўтган йигирма беш йиллик мустақиллик даври ана шундай қарашларга муносиб жавоб бўлди. Ҳозир энг сўнги технологиялар асосида фаолият юритаётган минглаб корхоналар гуруллаб ишляпти. Мутақассисларнинг асосий қисми — мустақиллик фарзандлари. Улар икки-уч тилда бемалол гаплаша олади. “Ўзбекистонда ишлаб чиқарилган” брендининг нуфузи ҳам тобора ортиб бораётди.

маҳсулот тайёрланган. 2001 йилда ушбу микдор 96,6 миллиард, 2015 йил якунлари бўйича эса 2 триллион 685,2 миллиард сўмликка етди. Айни жараёнда соҳага вилоят учун мутлақо янги илгор технологиялар, ишлаб чиқаришга импорт ўрнини босувчи, рақобатдош маҳсулотлар кириб келди. Чунончи, бугун “Махсус металл саноят” масъулияти чекланган жамияти ёрлиғи туширилган юқори босимли газ баллонлари айнан Наманганда тайёрланиши кимнинг хаёлидан ўтибди? Ёки илгари ноёб қурилиш ашёси

рига тенг 254 та лойиҳани рўёбга чиқариш кўзда тутилган. Кенг миқёсда дастур доирасида муҳандислик-коммуникация тармоқлари ҳамда инфратузилмани такомиллаштириш, ер ости қазилма бойлиқларидан самарали фойдаланиш ва саноят корхоналарини хом ашё ресурслари билан таъминлаш бўйича геология-қидирув ишлари сингари долзарб вазифалар ўрин олган.

Ангрен — Поп электрлаштирилган темир йўли дастурга киритилган йирик лойиҳалардан биридир. Бу ноёб иншоот республика-

нолик усулларини босқичма-босқич жорий қилиш йўли билан қувватларни ошириш, мазкур жараёнда ёқилғи-энергетика ресурсларидан самарали фойдаланиш, ягона энергетика тизими хавфсизлиги ва ишончилигини таъминлаш сингари долзарб масалалар ижроси таъминланади. Тўрақўрғон туманида рўёбга чиқарилаётган бу объект лойиҳаси ҳамда техник ва технологик жиҳозлар Япониянинг Халқаро ҳамкорлик агентлиғи (JICA) томонидан тақдим қилинмоқда. Унинг умумий қиймати

139 та, республика миқёсидаги беллашуларда 396 та олтин медални кўлга киритишди. Ҳақиқатан ҳам, бугун наманганлик ўғил-қизлар жаҳон ареналарида кўплаб спорт турлари бўйича Ватанимиз номини янада алуғлашга муносиб ҳисса қўшмоқда. Улар орасидан олимпиядачилар етиштириб чиқаётди. Масалан, чушлик Муроджон Аҳмадалиев ўтган йили Қатар давлатининг Доҳа шахрида ўтказилган жаҳон чемпионатида иккинчи ўринга сазовор бўлди. Боксчи йигит бу орқали XXXI ёзги Олимпия уйинла-

фаоллик кўрсатаётган экан. Дунёнинг қаериди бўлмасин, порлоқ келажакнинг давлатнинг иқтисодий қудратига юртининг садқоқли факторлари яратди. Наманган ахлининг ўзига хос луғти, меҳмондўстлигини айтмасизми?! Жойларда дастурхона палов тортишди. Гапнинг рости, илгари бундай тотли таомни тановул қилмагандик. Қайтар чоғимизда бошимизга Чуст дўпписи, эғнимизга зарчопон кийгишиди. Вилоятда бўлганимизда шаҳар ва қишлоқларда жамоли билан бирга, одамларни суратга туширдик. Билсангиз, барчанинг кайфияти чоғ, бу катта кичикнинг ҳаётдан розилигидан. Сеулга қайтган, уларнинг ҳаммасини жамлаб, Ўзбекистоннинг бугунги тараққиётини худудлар масолида кўрсатиш мақсадида Наманган тақдимотини ўтказамиз.

“Минг марта эшитгандан бир бор кўрган афзал”, дейишди. Олис хоридан келиб, юртимизнинг гўзал манзилларини мароқ билан томоша қилаётган ҳамда хозирги ҳаётимизга хос баҳо бераётган дўстларимизнинг таассуроти исбот бунга.

— Шаҳар ва қишлоқларимизда бир неча асрлик тарихга эга уч юзга яқин маданий мерос объектлари жойлашган, — дейди “Ўзбектуризм” Миллий компаниясининг вилоятдаги вакили Хошимжон Ғайбуллаев. — Бундан ташқари, ҳудуд иклими, табиий ресурсларидан келиб чиқиб, туризмнинг бир қатор соҳаларини жадал ривожлантириш мумкин. Ана шу имкониятларга қўшимча равишда жойларда замонавий сэйхлүк инфратузилмасини яратишга ҳам алоҳида эътибор қаратаёلمиз. Хусусан, вилоят маркази ҳамда туманларда 15 дан ортиқ меҳмонхоналар фаолият кўрсатаётди. Хоржиқий меҳмонлар оқими эса янада кўпаймоқда.

Истиқлол йилларида эришилган юксак марралар вилоят ижтимоий-иқтисодий ҳаётининг барча жаҳасида яққол бўй кўрсатиб турибди. Ўртбошимизнинг “Ўзбекистон Республикаси давлат мустақиллигининг йигирма беш йиллик байрамига тайёрғарлик қириш ва уни ўтказиш тўғрисида”ги қарориди таъкидланганидек, “Олдин тасаввур қилиш ҳам қийин бўлган бундай оламшумул натижаларнинг асосий омиллини авваламбор тараққиёт йўлимизда тўсиқ бўлган турли қийинчилик, етишмовчилик, оғир ва машаққатли синовларни енгиб ўтишда одамларимиз, бутун халқимизнинг дунёқараш, меҳнатга, ҳаётга муносабати ўзгариб, уларнинг сийсий онги, ижтимоий фаоллиги, ён-атрофдаги воқеаларга дахлдорлик ҳисси кучайиб бораётганида кўриш даркор”.

Шавкат Ортиқов, Қудратилла НАЖМИДИНОВ, «Халқ сўзи» мухбирлари.

Ҳамдам МАМАДАЛИЕВ ва Ҳасан ПАЙДОЕВ олган суратлар.

### Наманган вилояти:

# Бунёдкорлик ва ободлик қадри

Тадбиркорлик соҳаси равнақ топгани сари истемвол бозорининг манзараси ўзгармоқда. Иқтисодиётни ислоҳ қилиш, кичик бизнесни ривожлантиришга алоҳида аҳамият қаратилаётгани натижасида импорт маҳсулотлари ўрнини юртимизда ишлаб чиқарилаётган товарлар эгаллаяпти. Улар орасида наманганлик тадбиркорлар томонидан тайёрланаётган маҳсулотлар ҳам бисёр. Умуман олганда, вилоят иқтисодиётида соҳанинг улуши жадал ортмоқда. Айни чоғда фаолият юритаётган 15700 дан зиёд кичик бизнес субъектларининг ялпи худудий маҳсулотдаги улуши жорий йил бошига келиб 80,2 фоизни ташкил этгани, ўтган йили ишлаб чиқарилган 1 триллион 662,2 миллиард сўмлик саноят маҳсулотининг 61,9 фоизи

ҳисобланган шифер, республикамизга импорт сифатида келтирилган спорт жиҳозлари, автомобиль фаралари, тиббиёт дорилари сингари юздан ортиқ маҳсулотларнинг эндиликда маҳаллий таширирилгани қайси бир наманганликча ғурур бағишламайди?! Худуд саноят салоҳиятидаги ўсиш ва ўзгаришлар ўз-ўзидан бўлаётгани йўқ, албатта. Бу, энг аввало, Юртбошимизнинг вилоятга эътибори, истиқболли лойиҳаларнинг давлат томонидан қўллаб-қувватланаётгани, мақсадли дастурларнинг изчил рўёбга чиқарилаётгани натижасидир. Мисол учун, бундан уч йил аввал саноят салоҳиятини устувор даражада ривожлантириш юзасидан шундай дастур қабул қилинган эди. Унинг якунловчи босқичи — 2015 йилнинг ўзида 314 та лойиҳани амал-

ликамиз, хусусан, Фарғона водийси вилоятлари ижтимоий-иқтисодий ҳаётида муҳим ўрин тутди. Тоғ орқали поездлар қатновининг йўлга қўйилиши, аввало, Қамчиқ довозида йўловчи ҳамда юк ташини имкониятларини кенгайтирди. Бундан ташқари, худудда туризм соҳаси ривожланиб, сервис даражаси янада яхшиланади. Узунлиги 123,1 километрдан иборат темир йўлда 19,2 километрлик туннель бунёд қилиниб, очилди.

— Кунчи кеча Қамчиқ довозидан ўтдим, — дейди Ўзбекистон экологик ҳаракати вилоят худудий бўлими раҳбари Қодирхон Сўпихонов. — Мўъжизанинг ўзгинаси-я! Бир пайтлар машина у ёқда турсин, пиёда юриш қийин бўлган сўмоқлар ўришда бугун замонавий автомобиль йўли мавжуд, у бўйлаб эса энди пўлат излар ётқизиладди. Денгиз сатҳидан 2 минг 200 метр баландиликда жойлашган тоғу тошлар бағриддан поезд ҳаракатланиши кимнинг хаёлига келибди, дейсиз?! Мана, энди афсоналар ҳақиқатга айланди. Асрий орзуларимиз ушанди. Бундан қувонмай бўладими, ахир?! Президентимизнинг Ангрен — Поп электрлаштирилган темир йўли очилишига бағишланган тантанали маросимдаги нутқини тинглаб, Ўзбекистонимизнинг бугунги салоҳиятидан, яратилаётган кенг имкониятлардан қалбимиз янада чексиз фахр ва ифтихорга тўлди.

Дарҳақиқат, юртимизда олиб борилаётган ислохотлар, аввало, аҳоли ҳаёт даражаси сифатини юксалтиришга хизмат қилмоқда. Чунончи, дастур доирасида Тўрақўрғон иссиқлик электр станциясининг барпо этилиши ҳам ана шу мақсадга қаратилган. Давлатимиз раҳбарининг махсус қарори билан қурилиш бошланган ушбу иншоот, айтиш мумкин, мамлакатимиз аҳолисининг саломати қисми истикомат қилаётган Фарғона водийси вилоятларининг электр энергияси таъминотида катта ўзгариш ясади. Уни бунёд қилишда янги босқични бошлаб берди. Унда умумий қиймати қарийб 5 миллиард АҚШ долла-



1 миллиард 195 миллион 900 АҚШ доллариға тенг бўлиб, биринчи босқичда, яъни 2017 йилда 450 мегаватт қувватга эга замонавий буғ-газ турбинасини ишга тушириш бўйича жадал саъй-ҳаракатлар олиб борилаётди. Кейинги босқичларда яна уч шундай турбинани фойдаланишга топшириш кўзда тутилган. Маълумки, ҳеч бир соҳа мамлакатни спорт сингари дунёда тез танита олмайди. Иқтисодий ёшларимизнинг жаҳон ареналарида эришаётган муваффақиятлари сўзимиз тасдиғидир. Хўш, бир пайтлар шундай имкониятлар бормиди?!

— Саксонинчи йилларда вилоят терма жамоасида тўп сурганман, — дейди фаҳрий спортчи Шокиржон Қоробоев. — Шароит ўзига яраша бўлган. Эсимда, ўқув машғулотларидан терлаб чиққан пайтимизда резина шлангдан оқаётган сувни бошимиздан қўйиб, ювнаридик. Моддий-техника имкониятлари ҳақида эса гапирмасам ҳам бўлаверди. Бугун ҳар бир туманининг замонавий стадиони бор, қишлоқларда ҳам футбол майдонлари тобора кўпайиб борапти. Жойларда қурилган спорт мактабларининг имкониятлари ҳавасингизни келтиради. Яқинда спортчиларимиз ўтган йили эришган натижаларига қўзим тушди. Наманганлик замонавий ҳамда самарали тех-

ри йўлланмасига эга чиқди. Нозима Қоимова эса XV Паралимпия ўйинларида энгил атлетика бўйича мамлакатимиз шарафтини ҳимоя қилди. Юртимизнинг қаерида бўлмасин, Наманган ҳақида сўз кетганда, унга нисбатан “Гуллар шаҳри” дея таъриф берилади. Бу — гўзалликка ошфта кентнинг кўчаю хиёбонлари, ховлилари чаманга буркангани, одамларнинг гулга чексиз меҳридан. Аслида, кун сайин чироқ очиб бораётган вилоятнинг ҳар бир гўшаси кўз-кўз қилишга арзийдиган ўзгаришлар билан файзли. У айни жихатлари билан хоржиқларни ҳам ўзига жалб этади. Яқинда юртимизга ташриф бурган Жанубий корейлик фотоижодкорлар Юн Жун Хван ҳамда Жон Хёнг Жун Наманган, унинг фидойи одамлари ҳаётини тасвирга туширишга аҳд қилишди. Тараққиётда анча илгариллаб кетган давлатдан келган бу кишиларни ҳайратга солиш осонмас. Бироқ уларнинг юз ифодаси, сўзларидан юртимизга, жумладан, водийнинг дилдорлар масканига мафтун бўлишгани сезилиб туради.

Шаҳар аҳолиси тимсолида ўзбек халқининг бунёдкорлик салоҳияти, юксак маънавийтини кўрдик, — дейди Юн Жун Хван. — Ҳамма томонда бири-биридан кўркем бинолар. Уларни барпо этишга бутун аҳоли



улар ҳиссасига тўғри келгани бунинг ёркин далилидир. Бу, ўз навбатида, ўтган асрнинг саксонинчи — тўқсонинчи йилларида иқтисодиётни бир томонлама ривожланган, хусусан, пахта яққақоқимлиги ҳукмрон бўлган мамлакатимизнинг барча худудли сингари Наманганнинг ҳам эндиликда индустриал вилоятга айланиб бораётганини ифодалайди. Масалан, тўқсонинчи йиллар бошида вилоят бўйича бармоқ билан санарли саноят корхоналари ишлаган. 1991 йилда улар томонидан 4 миллиард сўмлик

га ошириш учун 226,1 миллиард сўмлик инвестиция йўналтирилди. Пировардида бир қатор янги қуришлар фойдаланишга топширилди, мавжуд корхоналарга модернизация қилинди. Мазкур йўналишдаги саъй-ҳаракатлар сира тўхтаб қолмайди. Жумладан, давлатимиз раҳбарининг “2016 — 2019 йилларда Наманган вилоятининг саноят салоҳиятини ривожлантириш дастури тўғрисида”ги қарори худуд ижтимоий-иқтисодий тараққиётида янги босқични бошлаб берди. Унда умумий қиймати қарийб 5 миллиард АҚШ долла-

**ЎЗСАНОАТҚУРИЛИШБАНК**

**«Ўзсаноатқурилишбанк» АТБ**

**қадрли юртдошларимиз ҳамда банк мижозларини она-Ватанимиз мустақиллигининг 25 йиллик байрами билан қутлайди!**

**Энг улуғ, энг азиз байрамимиз муносабати билан «Ўзсаноатқурилишбанк» АТБ миллий валютада «Бетақоримсан, Ватаним» номли муддатли янги омонат турини тақлиф этади:**

- \* омонатни сақлаш муддати — 5 ой;
- \* мазкур омонатга аҳолидан пул маблағлари банк пластик карталаридаги маблағларни нақд пулсиз шаклда ўтказиш орқали қабул қилинади;
- \* омонатнинг энг кам миқдори — 100 минг сўм, максимал миқдори — чегараланмаган;
- \* омонатчига фоизлар унинг хоҳишига асосан, ҳар ойда банк пластик картасига ўтказиб берилади.

«Ўзсаноатқурилишбанк» АТБдаги омонатлар Фуқароларнинг банклардаги омонатларини кафолатлаш фонди томонидан кафолатланган.

**Вақт давомида синалган ишонч!**

Call-марказ: (0-371) 200-43-43.

**www.uzpsb.uz**

Хизматлар лицензияланган.

**Маданий ҳордиқ масканлари**

Янги барпо этилган «Бунёдкор» маданият ва аҳоли дам олиш маркази Ангрен шаҳри аҳли учун муносиб тўхфа бўлди.

**ТУҲФА**

Бу ерда 800 ўринли санъат саройи, ёзги хиёбон ҳамда миллий услубдаги нақшинкор айвонлар, болалар спорт майдончаси, шунингдек, ўсмирлар ижодиёт тўғараклари хизмат кўрсата бошлади. Кенг саҳнали кўкаламзор майдон ва унинг марказидаги фаввора дам олиш мажмуасига чинакам фойз-тароват бағишлади.

Эътиборлиси, «Бунёдкор» Ангренда кейинги йилларда янгидан иш бошлаган бешинчи ҳордиқ масканидир. Айни пайтда кончилар ҳамда саноятчилар шахрида Алишер Навоий номидаги истироҳат боғи, «Дукент», «Ёшлар», «Чотқол», «Тонг» каби маданият ва аҳоли дам олиш марказлари халқ хизматиди.

**Раҳматилла ШЕРАЛИЕВ, «Халқ сўзи» мухбири.**

Тошкент давлат шарқшунослик институти ҳузурдаги Абу Райҳон Беруний номидаги Шарқ қўлғезмалари маркази жамоаси катта илмий ходим, филология фанлари номзоди Салимаҳон Файзиёвага оналари

**САИДАХОН аянинг** вафоти муносабати билан чуқур таззия изҳор этади.

**Халқ сўзи Народное слово**

**Бош муҳаррир Ўткир РАҲМАТОВ**

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 867. 76 056 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоиси келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.

**ТЕЛЕФОНЛАР:**  
Девонхона (0-371) 233-52-55;  
Котибият (0-371) 233-10-28; Эълонлар (0-371) 232-11-15.

Тажриятга келган қўлғезмалар тақриз қилинмайди ва муаллифга қайтарилмайди. Реклама материаллари учун таҳририят жавобгар эмас.

Газета таҳририят компьютер марказида терилди ҳамда оператор Ж. Тозаев томонидан саҳифаланди.

Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул. Босмаҳона телефони: (0-371) 233-11-07.

**• МАЊЗИЛИМИЗ:**  
100000,  
Тошкент шаҳри,  
Матбуотчилар кўчаси, 32-уй.  
Набатчи муҳаррир — Ф. Бўтаев.  
Набатчи — З. Апурова.  
Мусяҳҳих — А. Султонов.

«Шарқ» нашриёт-матбаа акциядорлик компанияси босмаҳонаси. Корхона манзили: «Буюк Турон» кўчаси, 41. ЎЗА якуни — 21.50 Топширилди — 22.15 1 2 3 4 5 6